

薛稷吟館鈔存

薛林吟館鈔存

卷二目錄

題吳年伯母錢太孺人烈行

道光六年回疆滋事 朝廷命將出師屢馳捷

報小醜之殲有日矣偶吟里句預奏凱歌擬

東坡獲鬼章詩即用原韻

題明戎部古愚誼採蓮圖扇

蘭亭修禊社中分題

賦得捷書夜到甘泉宮

社課

冰花

社課

閨端陽

梅湯

社課

和元人齋中雜咏八首用楸邨韻

社課

秦良玉花槍歌

汪小舫同年

懷

改官甘泉同人醵餞余苦由餘

生閣筆久矣於其行也不能已於一言口占

述臆聊當驪歌

周星垣同年 啓運 改官淇縣賦詩留別即步元

韻代作

題戴勉齋堅深柳讀書圖照

咏菊社課

五味詩社課

壬午同年公請湯敦甫師相金釗花之寺賞花

顧杏橋起部椿用東坡陪歐陽公燕西湖韻

即席獻詩夫子賜和柬示同人謹步元韻

簾花

社課

碧簫杯

社課

賦得二月黃鸝飛上林

社課

雨後閑步回文

鄧飛霞敬輿出宰方渠出望雲圖索題

寓直集賢院暑熱甚酷鳴蛙惱人走筆賦長句

夏二子

冬曉

南苑隨扈恭紀

團河偶成

睡起

題呂母蘇安人暨王孺人節孝

代

吳炯堂劉宜人六旬雙壽

代

題沈飴園先生

岐萊衣歸養圖

典試山左紀 恩即呈郭蘭石大廷尉尚先

鄭州值雨

張詩於觀察祥河以詩索和即步元韻

闡中即事示同考諸君

題蘇鼇石廡訪廷玉萬里看山圖

珍珠泉泛舟

湯敦甫夫子取蓼作杖為游龍杖歌屬和

致祭鄂爾多斯貝勒啓行日途中報擢詹事詩

以誌恩

晚宿昌平州

出居庸關

軍都山

土木堡懷古

曉發雞鳴驛

宣化道中

懷安縣

天鎮縣即目



曉發喜雪

陽高縣白登山

清明節有感

雲崗石窟寺

張家灣煤窯

道出殺虎口喜晤瑞英階廷權使

大同府別謀葆初同年厚光

朔平府別張椒雲同年集馨

河口過黃河

十三日吉克素台曉行至巴顏布拉克百六十里似尚不止也

巴顏布拉克曉行遇雪

入鄂爾多斯貝勒境沙路遇雨

即目

差竣口號

東素海初聞布穀

餞春前一日經朔平喜值椒雲華誕以福烏花  
裊為壽

重遊雲崗寺

富莊驛

汶上宵行

滕縣曉發

徐州渡河

宿花莊

紅心驛雨

頻伽禮佛圖

寒檠課子圖為同年何竹香司馬士祁題

又題

試院即目

題趙蘭友太守廷熙同舟測海圖

無題

登石頭城

攝山最高峯

秋日自朝天宮遊謝公墩雞鳴寺望元武湖復

由隨園至盩山西指白鷺洲南為莫愁湖皆  
勝蹟也

留別王曉林學使

植

滁州醉翁亭

清流關

古隋堤

徐州晚眺

荏平道中

白溝河小憩

薛蘇吟館鈔存

臨潢 柏後

題吳年伯母錢太孺人烈行

代死招魂兩寂然從容縲頸赴黃泉金閨割股酬恩重

孺人幼失怙曾割股療母病

瑤館捐軀矢志堅玉碎珠沉重九夜冰清雪

潔廿三年

孺人歿時年二十三年

至今陰雨佳城外月黑風酸泣杜

鵑

死詎希名名自芳德音四十載彌彰殉夫事已聞金

闕

乾隆年建坊桂表

有子天教入玉堂

嗣子偉卿同年丙戌成進士入詞垣

心跡遺來箋

字冷

遺書於帶囑兩如善事老姑

血痕流出墨花香賢風勁節千秋共虞

嶺高高湖水長

道光六年回疆滋事 朝廷命將出師屢馳捷

報小醜之殲有日矣偶吟里句預奏凱歌擬

東坡獲鬼章詩即用原韻

天討原無敵元戎定翦妖兵威探月竈戰具足雲橋拔  
戟千軍忿麾弧萬仞超受降城已築誅叛棧經燒風鶴



聲傳野星狼焰墮霄三苗全服罪一范早興謠露布馳  
遐塞丹章賀舉朝捷烽收朔漠吉語告 郊 桃破膽

思前度攻心驗此朝摩崖勲勒石洗甲士迴潮跼跼看  
鳶影依依認柳條路迎中使馬人識上公貂 璽詔秋  
毫素鏡歌玉燭調平沙征鼓息落日大旗搖振旅方思  
禹 推仁共戴堯藁街憐困獸葱嶺貸羣梟 懋賞功

居首 新恩笏在腰典隆 麟閣畫 寵被鶴書招飛

將西通夏雄名北振遼東溟魚海靜南服蜃樓消 聖

德神而化 皇衷恭不驕形弓聽雅奏珍贄遍荒要

題明戎部古愚誼採蓮圖扇

千柄萬柄連橫塘烟波杳靄風中香彼美人今明鏡裏  
笋皮笠子芙蓉裳花花葉葉迷離見嫩綠如眉紅如面  
渡頭妬煞兩鴛鴦飛向人前故遮戀風枝露葉盈輕刀  
夫憐低唱攏蘭篙回眸一笑入烟去十二峯頭新月高

蘭亭修禊社中分題

蘭亭小集讌羣英禊事方欣綠野晴春到曲江三月暖

天開午日十分清，偶因解袂流觴事。且作閒遊載酒行，  
園柳坐花皆畫境。茂林修竹足詩情，輸他絃管多垂幕。  
如此江山且舉觥，一代高風聯少長。千秋妙墨動公卿，  
至今繞檻留山色。終古環堦是水聲。

賦得捷書夜到甘泉宮

社課

忽聽天山傳吉語，甘泉迤邐啓深宮。捷書半夜來邊  
上驛報三番到，禁中金殿無聲開寶鑰。玉堂有

詔趣羣公函排錦字行行碧，燈結香花朵朵紅。

時值上元

幾

度宵衣勞 帝念一時露布慰 宸衷 龍樓此夕  
天顏喜虎旅連朝月竈通自是軒經遵 北闕直將  
文教靖西戎明晨 懋賞遙頒處 麟閣銘勲禮數崇

冰花

社課

一段輕澌幾片凝 雜花朶朶細鏤冰 映來愛日初飄瓣  
釀以寒風又作棱 蟲語更難葩 六出狐疑最是蕊 千層  
石根落葉裝黏處 留寫芳姿入畫縑

揉玉為姿水作胎 淡於雪葉瘦於梅 肯隨風絮漫天舞

偶伴霜花滿地開骨冷不能香冉冉心清乃許色皚皚  
池邊點綴知多少錯訝東皇為剪裁

閏端陽

蒲龍已化梟羹冷却指雙歧認斗宮恰喜端陽逢帶閏  
好乘佳節快歌風靈符豈為三旬易命縷還宜五色同  
一段柔絲添碧藕幾枝新葉茁疎桐芳時昔本名重午  
化日今看又再中水餅蔗漿仍草閣冰團密糴尚筠籠  
依然艾葉懸門綠猶剩榴花滿樹紅不是歸與誇令序

祇應 仁宇最延洪

梅湯

社課

茗苦酪甘難却暑閉門閒試煮梅方林邊遙指金千點  
雨後新傾玉一筐竹葉有符曾調水蔗枝留譜記熬糖  
茶爐釀出團團黑冰鑑盛來淡淡黃漱液漫虞眉歛跡  
嚼花猶憶口生香三杯比露神俱健四座無風夢亦涼  
不必鎮心誇密質真令灌頂得寒漿盤中本是和羹味  
消盡人間苦熱腸

和元人齋中雜咏八首用樸邨韻

社課

記得聞聲處，錚錚金石開。  
知心成獨賞，燒尾又何哀。  
一闕中天奏，千秋大廈材。  
朝陽栖鳳地，原唱錯薪來。

焦桐

豈是經秦火，虛存甲乙名。  
殘還留鳥跡，腐信有蟲生。  
架上編幾絕，行間字不成。  
烏焉沿襲處，食古啓蝸爭。

蠹簡

賸水殘山外，圖中跡已凋。  
一經懸壁上，幾度付風飄。  
歲月磨真蹟，零星惜白描。  
雲林留半角，指點木蕭蕭。

殘畫

鉄花攢繡溢，藏器不知年。  
氣溯干霄上，神留太古前。  
沙

唐詩曰自金不  
場拋雪刃塵室滯苔錢直待成龍去應歌寶劍篇

舊劍

無復人磨墨多年去案頭焚來雲骨碎凹處水痕收拋

散星千點淒迷月一鉤銅臺荒址裏片片不勝愁

破硯

竟作成功退摧殘豈有心憶他書案側伴我夜窻深壞

木塵多積芳蘭燄久沉獨憐樗散處墻角雨風侵

廢檠

未必疲於照糝糊掩素輝鸞臺形尚在蟾魄影全非綠

暈層層蝕紅埃細細揮纖毫無礙後應訝夜珠歸

塵鏡

幾載經捶搗消磨半不真石頑猶博古玉碎尚傳神沒



字刊痕在長繩拽跡新螭螭與鼇負零落惜三秦

斷碑

秦良玉花槍歌

霜鋒凜凜寒風生金環振響蛟龍鳴想見一揮却敵處  
山石欲裂天為驚當時請纓起草野一朵名花壓駿馬  
錦袍照耀旌旆紅娘子軍名半天下白桿兵真無前巨  
寇生擒射塌天四鎮蟲沙直戲耳一門忠義何錚然此  
槍沈沙二百載鉄花繡澁痕猶在銀鈎六字姓名真至  
今午夜騰光彩吁嗟乎人之云亡稟未亡忠州俎豆何

馨香洗夫人自足千古不數哥舒半段槍

汪小舫同年

懷

改官甘泉同人醵餞余苦幽餘

生閣筆久矣於其行也不能已於一言口占

述臆聊當驪歌

我與小舫締交非一時懿行績學約畧能知之束髮受  
書志則大文章政事皆襟期養親惟孝兄惟悌玉棣金  
萱何藹濟啜菽飲水盡其歡志道依仁游於藝聯翩高  
舉聲名揚 天子置之白玉堂珥筆石渠蓮炬燦校書

天祿爐烟香 殿前面試等游戲  
擘紙揮毫風雨至賦  
凌徐庾一千言詩艷錢郎八十字  
聖人宵旰憂民憂  
循吏每向醇儒求捧檄色喜為親屈  
板輿躬奉何優游  
我聞伏陸俗不惡泉冽南岩山繞郭  
軍歌一范萑苻驚  
民頌二天耕鑿樂置君山水高曠中  
願君無愧前人風  
坐見政成登上攷不數熊羆豸綉  
當日婺源公自我通  
譜幸握手於儔人中心折久贈言  
難盡八行箋祖餞更  
勸三杯酒試將此語衆同年不知  
以我為知抑謂我強

不知以為知否

周星垣同年

啓運

改官淇縣賦詩留別即步元

韻代

不為日贊即旬宣政事人民亦夙緣枳棘知非栖鳳地  
忝崇艷說化鳧年筵開紅葉黃花徑人坐金風玉露天  
一霎何堪添別緒薊門雲樹鎖寒烟

沫土名區十省通蒼生端賴保釐功名花繞縣層城外  
葦竹流泉萬畝中菽水原能勤子職治平定足慰宸

衷他年報最 彤墀上 身綉熊轡羨下風

一隊鷓鴣出禁門 落花風緊眼全渾 行無以贈惟攀柳  
忿不須蠲 豈佩萱吏隱 輸君琴酒樂 官貧笑我簿書繁  
無言也自如桃李 虛負陽和廿四番

才調如君信不羣 臨岐握手已斜曛 詩因話別情難盡  
酒為澆愁量易醺 此日當歌欣接武 何時剪燭更論文  
肥泉應有雙魚便 莫使離亭悵暮雲

題戴勉齋堅深柳讀書圖照

洞天林屋仄如斗，  
耗耗綠蔭圍十畝。  
金蘭玉宇芸烟香，  
竒區不減大小酉。  
端然中坐讀書人，  
一卷靈威常在手。  
縹緗連屋樹拂雲，  
丹鉛在左青燈右。  
終日行吟興不疲，  
百城坐擁樂何有。  
况值韶光駘蕩時，  
扶疎遍繞簷前後。  
千枝踈地翠條垂，  
萬縷迎風金線走。  
山嵐如畫波如油，  
大塊文章心領久。  
我見丹青未見君，  
濯濯想像春月柳。  
難兄道有嗜古癖，  
陳編遺籍寶瓊玖。  
他年定上瀛洲亭，  
閣中先倩然藜叟。

咏菊

社課

枝枝笑靨破秋烟  
占斷蜚寒蝶瘦天  
不數穠華二三月  
畧施脂粉自嫣然

桃紅人面

剪玉鏤冰瓣瓣工  
東籬冷艷弄秋風  
多緣竟體饒清潔  
留取芳心向日紅

朝陽素

曉風斜月寫精神  
宅畔籬邊別有春  
一派冷香無覓處  
也應妬煞玉樓人

玉樓春晚

幾朵寒英孕水精  
莖邊冉冉綠雲生  
化工欲貌之而態

數縷銀絲畫不成

銀龍鬚

五味詩

社課

盡道歸山好山深飢又驅世風知玉汝春夢只金吾心  
事嗤吞象年華慎過駒和羹成底樣笑指曳車圖

宦味

一曲足銷魂殷勤倒綠尊離人纔灞岸別路又江村有

恨隨帆影無言付淚痕那堪歸去後梁月幾黃昏

別味

別有醺醺致舍咀趣倍深箇中無俗韻句外見仙心偶  
爾天相遇拈來妙莫尋水流花放處領取是元音

詩味



一枕南窓靜悠然入夢恬心隨形共適境到黑纔甜淡  
淡燈明壁依依月上簾醒來成獨笑可是得祥占

聯味

出世非逃世斯為不世情坐來天自在悟到境澄清入  
耳空鈴語栖心見月明偶然宣妙諦梵唄兩三聲

禪味

壬午同年公請湯敦甫師相

金釧花之寺賞花

顧杏橋起部

椿

用東坡陪歐陽公燕西湖韻

即席獻詩夫子賜和東示同人謹步元韻

香棠花濃聚紅雪深林處處鳴批頰杖履追陪退食餘

舞雩風詠希前烈琳宮夏日清  
含霜射筵寶相何焜煌  
廿八人爭為師壽劇談不禁曾  
暫狂郊原差遠風沙惡  
盤登水蔬蕪山藥一觴一詠暢  
幽情人影未散禽聲樂  
怡然四座春風生聯吟不覺斜  
陽明雷門三奏發天籟  
勉續俚句慚琵琶

藤花

社課

曲幹繁英畫意蕪碧雲如幕午  
風恬柔條數處斜纏樹  
細朶千層近挂簷滿架紫花懸  
罽珥綴枝綠葉剪紈縑

新紅點點霞初暈淡白霏霏露乍霑瓔珞四圍窻外合  
胭脂幾瓣雨中添當年陟島依松磴鎮日垂蕤映竹簾  
莫向根株傷老大劇憐顏色適穠纖剡溪欲乞名箋種  
定吐竒芬上筆尖

碧筩杯

社課

籐根椰子殊多事新樣天然說鄭公數盞黃嬌斟竹葉  
幾枝碧嫩認荷筩形留象鼻三分曲刺出犀心一點通  
釀滿斜拋珠錯落影虛遠透翠玲瓏亭亭乍擬盤承露

淡淡時防座有風吸帶蓮香浮大白醉如花色泛微紅  
周秦以上彛形古伯仲之間雅量同正是納涼來水國  
高歌莫放玉尊空

賦得二月黃鸝飛上林

社課

皇州二月韶光麗處處黃鸝刷翅頻幾日試飛幽谷影  
一枝先占 禁林春紅歸文杏葩猶嫩綠到垂楊纓未  
勻調羽乍隨風似剪擲梭還掠雨如塵知時曾記花朝  
近得地能依柳色新未許人間砭俗耳直將天上寄閒

身樓臺隱隱藏宮樹城郭陰陰護  
帝闈好轉嬌喉傳  
妙曲 九華殿裏和韶鈞

雨後閑步回文

陰陰綠樹映窻紗好雨新晴夕照斜  
深院一人無客過  
吟筇倚處數殘花

鄧飛霞敬輿出宰方渠出望雲圖索題

一別江鄉月幾圓彩雲悵望滿長天  
棣華尚自居光德  
池草頻教夢惠連繞鬢星霜思此日  
對床風雨憶當年

定知不負為霖志報慰金昆吉語傳

北地當年我舊遊亂山高下水環流農桑復穴民風古  
仁聽統如頌鄧侯

寓直集賢院暑熱甚酷鳴蛙惱人走筆賦長句  
池塘草滿波漾漾吠蛤連陂聚繁響拘虛一派水鷄聲  
叫月羣聯土鴨黨我時觸熱憩名園乍解征鞍洗塵袂  
脫巾箕踞柳陰中縱酒快談客三兩聒耳閣閣埽井語  
攬人栩栩濠梁想既不肖廉蝓飲泉遯黃壤復不類林

蟬風露寄高爽天之生爾亦何用綠衣錦襖恩波養當  
其風雨天晦冥黑雲如礮排空上山溜三篙新漲添芰  
荷葉大菰蒲長爾時梵音滿天地接腋持頤聲氣廣休  
甃已忘羹抱竽跳梁乍等魚開網睥目皤腹亂官私口  
乾舌擗紛擾攘中書侍郎不兆祥妄自尊大形粗獷朱  
符無復僧昭咒牡鞠空勞蝸氏掌豈知高秋氣肅殺獺  
祭隼擊法不枉乾坤一洗風日清水涸泥乾爾何往

夏二子

體微聲何雄所恃在利口何當扇秋風為我驅羣醜

蚊

營營亂黑白吾能恣爾欲不必效王思拔劍苦相逐

蠅

### 冬曉

幾陣飛鴉趁曉呼重衾寒戀夢糝糊紙窻斗覺雲陰重  
試問家人落雪無

### 南苑隨扈恭紀

橋山恭謁禮初成南苑清和駐翠旌細草鋪茵調仗

馬平沙列幕拱行營瞭鷹臺古傳靈囿殺虎人來



盡射生共識 至尊繩 祖武迎 鑿歌舞聽歡聲  
法天行健 聖康強 日日風塵策 驩驩陣雨壓塵清  
蹕路旂雲匝地撒圍場 三驅戒殺 君恩重七校蒐春  
士氣揚行慶歸來頌 懋賞不須甫草譜詩章

團河偶成

黃花魚美人 初賣青草羊 鮮客乍嘗怪 底盤殮風味好  
行程此日近家鄉

睡起

碧紗窗外已朝暉  
睡起時披白袷衣  
親友疎因知性懶  
身心閒為受恩稀  
數竿自種竹都活  
滿地新秧花正肥  
穩步庭階無箇事  
海鷗汀鷺自忘機

題呂母蘇安人暨王孺人節孝

代

占鳳方欣得所天  
離鸞倏竟泣重泉  
姑妯白髮魚生釜  
叔季青燈硯作田  
盛木風規千載合  
若蘭姓字一時傳  
欲知燕翼貽謀遠  
孝德慈心六十年

不意貞松奕葉芳  
整之有姊勵冰霜  
卅年前事同栖冷

七袞於今晚節香鞦韆攝阼兼弱弟典釵刺繡奉孤孀  
清芬兩世昭千古金嶺峩峩鯉淀長

吳炯堂劉宜人六旬雙壽

代

隱之聲望重西川六十春秋福履綿梅里簪纓傳世德  
冬曹科第羨英年芝蘭四列階前樹金木雙誇海上仙  
快值佳辰賡樂事同稱壽竿拜瓊筵

綵舞庭中備管笙杖鄉人仰錦衣榮椿高渤海風姿邁  
萱暖彭城露靄盈花甲正欣同竿甲長庚却喜慶同庚

期頤定叶他年頌橐筆華堂遞舉觥

題沈飴園先生 岐 萊衣歸養圖

陳情一疏荷 溫綸達孝推心逮老臣卅五年官餘諫  
草九旬人壽頌莊椿久依 楓陞文華 國每詠蘭陵  
志戀親想見錦堂瞻拜日八騶畫擁羨鄉鄰

得請非誇勇退稀望雲去國兩依依圖書而外青氈舊  
山水之間畫錦歸便擬覽湖移謝墅最難綉袞艷萊衣  
十年祝 嘏應如約並拜螭坳沐 聖輝

典試山左紀 恩即呈郭蘭石大廷尉

尚先

禁籞驚聞

寵命臨敬承

天語拜

恩深一星初見

持旌節六載多慚廁翰林敢謂東征携玉尺幸逢南指  
有金鉞臣門如市心如水惟矢清操勵寸忱

鄭州值雨

十二連橋碧玉流  
兩三畫槩盪輕舟  
沿堤楊柳衝泥路  
風雨漫天古鄭州

張詩舲觀察

祥河

以詩索和即步元韻

林宗何幸賦同舟攬轡青齊許並騶匝野雨垂千頃澤

今夏畿輔缺雨山左亦然近皆霑足矣

送寒風釀一庭秋丁年看劍情無那午夜

挑燈意未休

閱卷每至漏四五下

準擬重陽尋勝會茱萸黃菊插盈

頭

芸館芝坊六七年星軺初使倍惶然

余投館職即丁外艱今歲由贊善晉司業始得考差

量材同盡三條燭校藝誰傾萬斛泉  
眊眊也知寒士苦

豆觴深謝主人賢

撫藩以下日餽酒食

錦囊自媿無佳句願誦皇華

第二篇

闡中即事示同考諸君

水晶簾外日初昕  
衡鑒堂開四座分  
十二上賓調律呂

分校者  
十二人

七千佳士際風雲

士子七  
千有奇

探竒競灑金壺汁  
訂誤如

摹石鼓文

殊卷勝  
錄多訛

媿我量才無玉尺  
中宵披校敢忘勤

梅賦何曾識廣平  
美新空自擅雄名  
文章畢竟皮毛相  
品藻無勞口舌爭  
近聖人居追雅化  
與朋友共矢精誠  
庶幾午夜焚香意  
敬慎持衡答 聖明

金鏡刮膜倩誰治  
頭點紗籠或有之  
藥籠儲材臣志在

芸窻奮讀 聖心知眼前容有昏花候手下應防潦草

時回憶春明打盹躁輪蹄六度嘆奔馳

余六試京兆始售

從來不敢薄今儒况復尼山教澤濡眼孔漫誇瞳剪水  
口禪容易唾成珠門前桃李栽非易海底珊瑚網或疎  
認取他年作梁棟冬烘莫使誚頭顱

題蘇鼇石廉訪廷玉萬里看山圖

賀蘭西障立嵯峨記得銀川我舊過塞上諸峯朝太華  
城邊一線走黃河赫連塔古斜陽冷元昊臺荒蔓草多



今日披圖成舊識，不堪回首發高歌。

珍珠泉泛舟

榭外澄虛澈底清

澄虛榭額  
武中丞題

靈源噴薄靜無聲，但看泡影

纍纍貫却有牟尼串串生，荇藻交橫連舫外，魚龍咳唾

或天成劇憐臺畔凋零甚，瑤草琪花幾變更

南有臺址林木  
蔚然海棠各樹

皆大數抱程中丞感  
於風水斬伐都盡

湯敦甫夫子取蓼作杖為游龍杖歌屬和

夫子厭值承明廬，園林散步堪怡娛，菊花菜甲紛一區

水藻數本丹華敷莖則碧玉節則朱拔材為杖輕飛鳧  
寶之奚啻珊瑚株良材笑爾歸樵蕪茲製閒評今古餘  
九貞天竺產雖殊起衰扶老行踟躕鄧林或化嵌石跗  
荷篠或植偕耘耨桃枝銀角諸蔗扶玉箱邛竹心不枯  
抑或琢戒銘猗玗相忘富貴如泥塗惟師七十烏髭鬚  
腰脚健甚踏平蕪偶然曳杖聲步虛有若太乙來天都  
青藜吹火庭前趨枝言葉語皆芟除校書天祿忘辛劬  
又若祇洹佛長吁憐爾衆生一目無開盲乃竟榛林如

嘉名肇錫出秋荼杖賢杖聖心賞俱猶龍天矯輝金鋪  
和以天籟聽喁于五更三老應可儲刻鳩祝噎夫何須  
書齋暇豫歌吾吾天子為錫延年圖

致祭鄂爾多斯貝勒啓行日途中報擢詹事詩

以誌 恩

曉策征駢出紫闥晚來人說拜 恩新暫持使節三千

里 特簡坊銜第五人

拔名開  
列第五

寵出非常疑是夢服慚

不稱恰當春招提望 闕先泥首謹守清操矢志頻

晚宿昌平州

秋水初融麥隴晴  
亂山高下繞燕平  
征鞍乍解人殊倦  
應是西征第一程

出居庸關

山名軍都為太行第八陁即  
呂氏春秋天下九塞之一

艷聞疊翠擬垂虹  
到眼嵯峨迥不同  
萬嶺龍蹲擎石骨  
一川虎嘯走山風  
盤旋谷口泉能活  
坎硤輪蹄路僅通  
斗憶于謙門戶計  
當年重鎮屬楊洪

正統十二年以  
楊洪鎮宣府

軍都山

蒼翠疊無數坐鎮西北隅者山近嶒嶸行山遠盤紆一  
徑卅餘里亂石橫斜鋪或大如屋宇或小如盃盃豎若  
虎豹蹲卧如龍蛇趨規仿九折坂紊亂八陣圖層冰汜  
石厚落岸泉聲粗駕車易顛簸策馬猶踟躕直出居庸  
關終日無坦途憶昔經太華三峯削秀腴中條與王屋  
迤邐連平蕪此山接太行高下一脉俱由北折而東直  
走醫巫閭天故設天塹用以界華胡嚴關比金陵可以  
抵萬夫羅通善守備五萬師如無所以土木變萬乘輕

出都三邊今欵塞戍卒韜矛弧沿坡事耕耨陟磴皆樵  
蘇天險不可升况乃文德敷

土木堡懷古

沙粗野曠山迷漫幾家村落疎林攢風行有聲日無色  
天地黯淡陰雲寒土人猶說明天子當日六軍曾駐此  
三十六口兵馬來無限忠良蹂躪死一時賈禍由奸璫  
武功未成成降王漢儀縱復見更始脊令猜忌黔元傷  
君不見穆滿觀兵勤遠畧荒服不至德由薄又不見靖

康之時君被虜萬騎千乘北狩苦四夷多事耗中州文  
教失宣無遠謀戰場弔古空心嘒天陰疑鬼聲啾啾

曉發雞鳴驛

不數雞鳴夜度過曉來傳唱滿岩阿幾絲微霰隨車洒  
一桁濃雲隔樹拖石徑高低穿鷓嶺水聲澎湃瀉洋河  
前村却聽衝泥響人說宵來陣雨多

宣化道中

怪道宵衾如潑水却疑朔氣逼邊關曉行日色初紅處

河湧寒冰雪滿山

懷安縣

平遠望無際沿灘趁曉行城長已無蹟

縣北有長城  
唐張說建

峯好

不知名雲影迷山影風聲誤水聲報功祠在否憑吊不

勝情

邑人馬森報  
功祠今圯

天鎮縣即目

迤邐兩旁山微茫幾村樹山上採樵人長歌度林去

沿山一帶羃朝烟滕卦如階雪釋天多少村人乘曉出



擔犁叱犢遠耕田

曉發喜雪

夜深窻忽明錯疑月華吐  
開戶陰雲繁滿庭  
六花舞邑侯有惠政膏澤連番普

天鎮縣於正二月已連獲祥霽

想見四郊中秋來賽

田祖

陽高縣白登山

西來疋馬陟層冰  
弓挂天山穡事興  
高下相縈連雉堞  
縱橫不斷闢龍塋  
千秋此地留青塚

明妃墓

七日當年困白

登三十萬人譏僅免漢皇將將可稱能

清明節有感

三分春色二分過寒食光陰奈冷何

三月初一日清明節

却憶家山

當此日松楸展禮弟兄多

上巳光陰客路知嚴風倒吹馬蹄遲邊城漫說流觴會  
猶是層冰互結時

雲崗石窟寺

在大同府西三十里

山寺闢諸天雲崗半嶺邊法身呈丈六慧目俯中千小

窟層層現

石窟中佛像極多

危樓處處連梵宮

宸翰在

康熙御書莊嚴法

相瞻拜墨華鮮

張家灣煤窯

窟室鑿山涯河流繞岸斜山腰立烏鬼水面飲黃鴉官  
柳春偏晚煤苗草未芽途人應識我辛苦賦皇華

道出殺虎口喜晤瑞羹階廷權使

判襪旋逢三月初異鄉舊雨樂何如人因別久言翻少  
客為情親禮易疎官閣筵開叨首席山涯路險賴肩輿

山路難行英階以肩輿送之

何時定剪西窓燭直盼行旌到歲除

英階是歲任滿臘盡

可以抵都

大同府別諶葆初同年

厚光

荷風曾憶祖離筵  
漠北相逢四月天  
投轄客多招舊雨  
大同縣王小晉歌驪人去踏朝烟  
如君善友真千古  
况我同官已

十年別久始逢逢  
又別教人岐路倍淒然

朔平府別張椒雲同年

集馨

蘭交喜晤五原間  
春暮歸來月又彎  
使溯張騫窮九塞

政推魏尚澤三關主人漫擬歌驪待遊子應如倦鳥還  
別後與君同悵望朔雲燕樹萬重山

河口過黃河

古戍名郵總未停河西無復短長亭我來塞外三春月  
人望天邊一客星四宇低垂天影碧雙轅緩送草痕青  
而今牧馬紅鹽地三受降城是近坳

十三日吉克素台曉行至巴顏布拉克百六十  
里似尚不止也

月華未落整征鞭  
車馬瘖痲日暮天  
極目不知何處宿  
沙山萬疊絕人烟

巴顏布拉克曉行遇雪

侵曉同雲四望多  
冰花點點徧山坡  
岡巒路陡征人少  
芨芨叢深野獸過  
白草紅沙開畫境  
一車兩馬暖行窩  
隨風珠玉九天落  
愧乏陽春和郢歌

入鄂爾多斯貝勒境沙路遇雨

不知營部處極目  
大荒西入境風偏  
勁隨車雨易淒沙

形千疊遠天勢四圍低且自覓溫飽前驅歇馬蹄

即目

朝行青山頭暮宿青山下極目曠無人牛羊滿空野

差竣口號

舊路依稀草欲肥倦遊一路馬如飛令人却憶錢鏐語  
陌上花開緩緩歸

東素海初聞布穀

梵刹遙聞布穀聲野廬叱犢去深耕都緣一尺瀟瀟雨

洒遍高原衆綠生

餞春前一日經朔平喜值椒雲華誕以福鳥花

裊為壽

馬首東瞻蹠躐回恰逢晴日慶筵開長庚星耀春三月  
算甲籌添酒一杯願我行興無長物祝君華閣愧凡才  
願歌福履綏之什翔步雲裊到上台

重遊雲崗寺

我愛雲崗寺重來日已西山深花待放風暖鳥爭啼古



碣沿堦在新詩滿壁題曝書亭尚憶勝跡待叅稽

富莊驛

涼雲如高士熱風吹不起禾黍萎驕陽嗟哉吾赤子

汶上宵行

酣睡初醒月已斜樹陰蒙密幾人家肩輿時覺微香度  
開徧堤邊木槿花

滕縣曉發

夜涼輕送五更風路轉青徐望不窮禾黍欲收宵露重

寒蛩無數月明中

徐州渡河

大河一帶水前橫

堤上有牌顏  
曰大河前橫

擊楫中流氣未平却上長

堤更南望亂山無數繞彭城

宿花莊

家家矮屋結茅龍人物荒寒入望同  
首絡長巾中婦艷身無寸縷小郎窮  
飛蝗滿屋多於蟻新藕釘盤細似葱  
畢竟花莊名不愧紅蓮幾朵胆瓶中

紅心驛雨

官道六十里衝泥路淺深多情是風雨直送到紅心

頻伽禮佛圖

朱明府妹芸生字周氏子未娶墮水死

吟到茗華即自傷質為蘭蕙志冰霜正欣占鳳詩三疊  
却訝騎鯨水一方銜石有懷填巨海拈花舍諦証空王  
嚴風勁節高樓畔一樹冬青萬古香

寒檠課子圖為同年何竹香司馬

士祁題

斗室十笏宵三更牙籤滿架寒窻明一燈伊唔霜月午

機聲軋軋挽書聲我別此境廿餘載丹青乍睹心怦怦  
君不見擇鄰不憚居三徙結茅卧龍意如此

圖寫越之卧龍山

又

不見涼天然荻畫烏几歐陽自有名家子高科顯仕今  
不同晨羞夕膳承歡工錦堂樺燭雙穗紅卓哉賢母傳  
高風

又題

林屋牙籤列丙丁焚蘭繼晷獨傳經山中秋氣霜前冷  
夜半書聲月下聽燕寢即今雙綬紫雞窻憶昔一燈青

擇鄰畫荻皆千古彤管應流姓字馨

試院即目

海棠金橘半蒙茸

堂前設西洋海  
棠金橘數盆

丹桂香殘小院風

東西院二  
桂花極盛

只有紫薇花不斷堂前日日向人紅

題趙蘭友太守

廷熙

同舟測海圖

萬里飛鳥外尋源有漢使沂河亦已難  
治海應何似太守潘州公目能窮涯  
浹自春而徂秋泥輶復山樛有時  
糧不充鹽膈甘且美有時舟路滯  
烏捷曳偏駛高哉太

平墩踏徧草紅紫直抵王家港擘畫得端委鞅掌為元  
元農樂竈丁喜謝埭與范堤庶不擅前軌我昨渡江來  
望洋歎觀止比聞君壯遊心目皆竒詭未讀河渠書揣  
測憑一紙但祝功成時桑田闢千里

無題

夜市千燈照碧空人間多少綺羅叢樓邊鼓吹邀明月  
船上笙歌度曉風繡榻半圍雙袖翠錦屏斜障一燈紅  
宵深欄畔凭肩立疎柳歌橋指點中

綠雲覆額髮初齊  
一棹扁舟桃葉溪  
借問吳儂住何處  
第三株柳小橋西

登石頭城

涼天四顧曉雲稠  
獨上高城豁遠眸  
疎柳寒烟千樹冷  
孤帆遠影一江秋  
雞鳴埭古人何在  
鳳去臺空波自流  
只有秦淮風景艷  
笙歌羅綺水邊樓

攝山最高峯

石磴層層路幾盤  
天風高接碧雲寒  
長江狹甚鍾山小

人在最高峯上看

空廳高敞拓虛窓  
葉葉風帆去遠艚  
銀杏一株殘照裏  
有人凭檻望吳江

秋日自朝天宮遊謝公墩雞鳴寺望元武湖復  
由隨園至盃山西指白鷺洲南為莫愁湖皆  
勝蹟也

名園到處幾林邱  
石磴茆亭記勝遊  
蓮桂猶香初放菊  
江山大好共登樓  
人因閱世空增感  
地只傳名有莫愁



四顧蒼茫一長嘯不須重唱秣陵秋

留別王曉林學使

植

不意羸駘步後塵同銜恩命許才掄照人玉自瑩瑩  
澈坐我風如盎盎春兩月追陪稱合志一樽話別劇傷  
神右軍位重兼才藻拭目江壩士氣新

辭家見月又三圓子晉南遊客北旋不借暫留安石屐  
催歸誰贈繞朝鞭佩君蘭誼真千古笑我萍踪近一年

二月奉使鄂爾多斯孟夏  
始返六月復典試江南

他日相思勞悵望薊門雲樹隔江天

滁州醉翁亭

心醒翁醉不妨煩白髮蒼顏妙寫真

祠有歐公像

太守自耽流

水趣老梅長占小亭春

院前有歐梅斲瓶池護之老幹化去孫枝猶存

青山偃蹇不留

客紅樹鮮明最可人今日來遊成獨樂檐前索笑幾逡

巡

清流關

雄關百雉踞孱顏竹樹陰陰流水間野渡一菴通鳥道  
冰溪半路隔螺鬟僧雛淪茗留人住刺史携樽送客還

却望西南林壑美環滁原不盡青山

古隋堤

在宿州東門  
道今日汴堤

殿脚擎舟艷九千隋堤風景逝雲烟李花結子楊花落  
無復蛾眉畫絳仙

徐州晚眺

南通垓下沛豐連日落孤城水接天凭檻黃樓一長嘯  
羽衣吹笛又千年

在平道中

薛稷吟館鈔存

卷二

三

蕭疎村落樹林攢  
柳返鶯黃楓化丹  
霜氣半天鴉瑟縮  
曉來郊外十分寒

白溝河小憩

紅霞四射日初生  
雪壓西山照眼明  
愛聽村邊籬落裏  
凌晨先有讀書聲